

四庫全書

經部

欽定四庫全書

爾雅翼卷七

宋羅願撰

釋草

藟

苳

苳

參

藟

藟

茨

烏喙

門冬

顛棘

蘘荷

活菰

蓼

蘇

荏

芥

藟

藟大苦今之甘草味甘而無毒能安和七十二種石千

二百種草

考

故於人譬之國老不入君臣佐使之列雖

非君而為君所宗以其能燮和故也詩稱山有榛隰有
藟以況西方之美人又采藟首陽之顛以刺獻公之信
讒蓋一章采藟二章采苦三章采葑藟甘而苦若讒者
之入人必先甘而後苦而葑則甘苦相半所謂采葑采
菲毋以下體下體惡而上體美者也則讒人之所以嘗

試其君者無所不用矣此草蔓生葉似荷青黃莖亦有節節有枝相當然不惟葉似荷古之蓮字亦通於藟故龜策列傳稱龜千歲乃遊蓮葉之上徐廣曰蓮一作苓聲相近借字也將以龜老而神故形小而陸游以為奇若水中之蓮凡龜皆可游不足言矣又詩采苓以首陽之顛叶之豈藟亦有蓮音耶然藟甘而名大苦者猶牽牛有三黑點而名為三白點此蓋秦俗所沿見禮記或素或青注

𦉰

𦉰者今之地黃古以為菜鉶羹用之禮記曰鉶毛牛藿
羊𦉰豕薇考蓋物各有所宜古者祭祀賓客有大羹鉶
羹大羹者太古之羹鑊中煮肉汁不調以鹽菜及五味
盛之於登鉶羹者謂陪鼎腳臠臠用藿𦉰薇調以五味
盛於鉶器蓋鉶羹以所盛器為名盛於豆則名庶羞爾
皆天官亨人供之三牲所以用此者猶婦教成之祭牲
用魚芼之以蘋藻各有所宜亦牛羊山陸之物藿𦉰山

陸之菜豕近水薇垂水魚及蘋藻生水中以類求之今

禮記羊苴作苦則苦菜爾

考

古之說方者一生咸陽川

澤中黃土地者佳則名之為地黃蓋有所自又生者以
水試之浮者名天黃半沈半浮名人黃沈者名地黃以
沈者為良宜其以地為名而苴字又從下亦趨下之義
也淮南子曰今夫地黃主屬骨而甘草主生肉之藥也
以其屬骨責其生肉以其生肉論其屬骨是猶王孫綽
之欲倍偏枯之藥而欲以生殊死之人亦可謂失論矣

今地黄能生肌肉與淮南說異又方藥煎忌鐵器銅羹用之未知其審

味

味莖藷郭氏以為五味今五味子是也皮肉甘酸核中辛苦都有鹹味味既具矣故其字從味且能兼養五藏也典術曰五味者五行之精仙人羨門子服之而本草直云味酸者木以酸為主又所出不同亦各偏勝如出高麗者多肉而酸甘出青冀者過酸出建平者味苦不

害其無有五味也其莖赤斑花黃白生青熟紫亦具有
五色聖賢冢墓記曰孔子墓上有五味木

參

春秋運斗樞曰搖光星散為人參廢江淮川瀆之利則
搖光不明人參不生禮斗威儀曰君乘木而王有人參
生說文云人參蔓出上黨蔓即參也所以名為人參者本
草云如人形者有神范蠡計然亦曰狀類人者善說者
曰出新羅國所貢有手脚狀如人形長尺餘或云生耶

鄆者根有頭足手面目如人或曰生上黨者人形皆具
能作兒啼說益侈則益誕大率生深山中近椶漆下濕
潤處椶似桐而多陰故人參生其下高麗人作人參讚
曰三椶五葉背陽向陰欲來求我椶木相尋欲試上黨
人參者當使二人同走一與人參含之度走三五里許
其不含者必大喘含者氣息自如潛夫論曰治疾當得
真人參反得蘿腹梁阮孝緒母疾須得生人參舊傳鍾
山所出孝緒躬歷幽險見鹿前引就鹿滅處視之得此

草傳子曰先王之制九州異賦天不生地不養君子不
以為禮若河內諸縣去北山絕遠而各調出御上黨真
人參上者十斤下者五十斤所調非所生民以為患其潞州
太行山所出者謂之紫團參

蕩

遂蕩馬尾郭璞曰廣雅云馬尾蒿陸本草別名蕩今關
西亦呼為蕩江東呼為當陸生人家園圃中高三四尺
葉青如牛舌而長莖青赤至柔脆夏秋開紅紫花作朶

根如蘆服而長如人形者有神案人參亦言如人形者
有神而采艾見若似人處攬而取之用灸有驗物理乃
不可勝窮易曰莧陸夬夬莧與陸皆陰類也或曰此一
物即名莧陸今俗名章柳根又一名夜呼莫知其義據
荆楚歲時記三月三日杜鵑初鳴田家候之此鳥鳴晝
夜口赤上天乞恩至章陸子熟乃止然則章陸子未熟
以前為杜鵑鳴之候故稱夜呼

著

聖人幽贊於神明而生蓍蓍草也初不待聖人而生蓋
通天之道窮物之理備物致用以為天下利故能擇物
之神者用之夏商欲卜者乃取蓍龜已則棄去之以為
龜藏則不靈蓍久則不神至周室之卜官常寶藏蓍龜
天子蓍長九尺諸侯七尺大夫五尺士三尺蓍陽故數
奇其藏蓍之器曰簞簞有二以皮為之其一從上而下
韜之其一從下而上韜之少牢禮曰史西面于門西抽
下韜左執筮右無執革以擊筮將問吉凶故擊之以動

其神著雖寶藏猶有時以易故筮人上春相筮先儒以
為相謂更選擇之龜筮歲易者歟蓋龜人以春攻龜筮
人春相之故知以新易故古者國之大事先筮而後卜
然魯生季友晉戰城濮皆先卜而後筮者蓋太史公所
謂三代著龜大小先後各有所尚要其歸等耳是也春
秋傳稱筮短龜長不如從長莫能得其說案龜策傳江
南長老云龜千歲乃遊蓮葉之上著百莖共一根其所
生獸無虎狼草無毒螫說者曰著百年則百莖矣蓋龜

歷年深故知來亦長著歷年近故知來亦短亦龜象筮數物生而後有象象而後有滋滋而後有數則龜在先筮在後短長之驗也龜筮皆靈物用既相須故生亦相附龜策傳又曰上有叢著下有神龜著生滿百莖者其下必有神龜守之其上常有青雲覆之固靈氣相召亦天地鬼神所保守然則其龜即周禮十龜中所謂筮龜者也龜為卜著為筮龜而謂之筮以其生於著叢也著之為字從耆耆者六十歲也王充論衡孔子曰著之為

言耆也老人歷年多而更事久似能前知然何獨六十
龜策傳曰天下和平王道得而耆莖長丈其叢生滿百
莖方今世取耆者不能中古法度不能得滿百莖長丈
者取八十莖已上長八尺即難得也人民好用卦者取
滿六十莖以上長滿六尺者即可用矣然則自其可用
者而言之廣為六十莖從為六十寸故應耆爾

論衡曰
耆七十

歲生一莖七百歲生十莖漢
藝文志有耆書二十八卷

耆實服之亦聰慧先知

茨

茨蒺藜也布地蔓生細葉子有三角狀如菱而小刺人
生道上長安最饒人行多著木屐故易以據于蒺藜言
所恃傷也七諫曰江離棄於窮巷兮蒺藜蔓乎東廂東
廂者宮室所嚴禮樂所在觀其所生以知治忽故瑞應
圖云王者任用賢良則梧桐生於東廂今蒺藜生之以
見所任之非人趙簡子曰夫植桃李者夏得其休息秋
得其食焉植蒺藜者夏不得休息秋得其刺焉以言陽
虎所植之非其人則與七諫義同也詩牆有茨言衛公

子頑國人疾之而不可道蓋茨雖可惡依牆以生欲埽去之則恐傷牆以喻公子頑雖可疾欲道之則恐傷國體叔孫怒季孫指楹而言曰雖惡是其可去乎亦此義也正義引媒氏云凡男女陰訟聽之于勝國之社勝國亡國也亡國之社掩其上而棧其下使無所通故就之以聽陰訟明不當宣露則其社之牆亦有茨不可知爾今軍旅亦以鐵作茨以布敵路謂之鐵蒺藜或云鐵蒺藜菱角等起於隋煬帝征遼為之然六韜中已有此物

考 晁錯傳謂之渠荅諸葛亮卒於五丈原魏人追之長
史楊儀多布鐵蒺藜則其來已久

烏喙

烏喙今之烏頭也釋草云芫荽草郭璞云即烏頭今江
東呼為芫荽驪姬譜申生寘鴆於酒寘芫於肉者是也
非芫荽之芫

說文云前
烏頭也

今烏頭與附子同根春時莖初

生有腦形似烏鳥之頭故謂之烏頭或曰有兩歧相合
者名烏喙要之烏喙即烏頭之異名耳本草冬月採為

附子春月採為烏頭博物志亦曰物有同類而異用者
烏頭天雄附子一物春夏秋冬採之各異謝靈運山居
賦曰三建異形而同出而說者又以烏頭烏喙附子側
子輩色理形狀亦各不同而長三寸已上為天雄蓋種
烏頭而不生附子側子之類經年獨長大者是也蜀人
種之忌生此以為不利如養蠶而為白殭之類也廣雅
則曰一歲為萌子二歲為烏喙三歲為附子四歲為烏
頭五歲為天雄蘇恭曰人之饑所以不食烏喙者以其

雖偷充腹而與死同患也後魏書曰匈奴秋收烏頭為毒藥以射禽獸淮南子曰天下之物莫凶於雞毒然而良醫橐而藏之有所用也奚毒即附子漢霍顯使醫擣附子入與許后后曰我頭岑岑也藥中得無有毒是其事

門冬

牆蘼藂冬郭璞曰今門冬也一名蒲冬按蘼冬有二其一則天門冬一名顛棘釋草所謂髦顛棘也故郭璞注

顛棘云細葉有刺蔓生其一則麥門冬生山谷肥地葉如韭四季不凋根有鬚作連珠形似穰麥顆故名麥門冬四月開花淡紅如紅蓼花實圓碧如珠秦名羊韭齊名愛韭楚名馬韭越名羊著謝靈運山居賦曰二冬並稱而殊性潛夫論曰夫理世不得真賢譬猶治疾不得真藥也治疾當得麥門冬反得蒸穰麥已不識真合而飲之疾以寢劇而不知為人所欺也山海經曰條谷之山其草多芍藥藟冬

顛棘

髦顛棘釋曰一名商棘廣雅云女木也

考

郭云細葉有

棘蔓生按本草天門冬一名顛勒道家方云天門冬一名顛棘在東嶽名淫羊藿在中嶽名天門冬在西嶽名管松在北嶽名無不愈在南嶽名百部在京陸山阜名顛勒雖處處皆有其名各異其實一也張華博物志云莖間有刺而葉滑者名曰却休一名顛棘根以浣縑素白越人名為浣草似天門冬而非也凡服此先試浣衣

如法者便非天門冬按此說則顛棘刺而滑可浣衣與
天門冬異而圖經曰天門冬春生藤蔓大如釵股高至
丈餘葉如茴香極尖細而踈滑有逆刺亦有澁而無刺
者其葉如絲杉而細散皆名天門冬是滑而有刺者亦
門冬也蓋兩者皆門冬而有刺者別名顛棘耳棘即刺
也列仙傳赤松子食天門冬齒落更生細髮復出甘始
服之在人間三百餘年杜紫微服之御妾多子日行三
百里

藁荷

藁荷宜在林木陰下種之故古人云藁荷依陰時藿向陽言各有所宜也葉似初生甘蔗根似薑牙其葉冬枯其根為菹亦可醬中藏古之為味者雜用膾炙切藁荷以為香是為珍味大招曰醢豚苦狗膾苴蓴只苴蓴即藁荷也藁荷有白有赤神農經書白藁荷今人乃呼赤者為藁荷白者為覆菹

說文曰菹菹

葉同一種爾於人食之

赤者為勝藥用白者中蠱者服其汁並卧其葉即呼蠱

主姓名亦主諸溪毒沙蟲輩人家種之辟蛇又有預知
子傳云取二枚綴衣領上遇蠱毒物則聞其有聲當便
知之故名預知子若行蠱毒之鄉食飲不可知非仗此
何以愛身

柳子厚種白蘘荷詩庶氏有嘉草攻
檜事久泯炎帝垂靈編言此殊足珍

活茺

離南活茺今通脫木也山海經名寇脫

考生山側高丈

許葉如草麻花上有粉莖中有瓢輕白可愛女工取以
飾物按此物為飾不知起自何世漢王符潛夫論固已

譏花采之費至梁宗慤記荆楚之俗四月八日有染絹
為芙蓉捻蠟為菱藕亦未有用此物者今通行於世矣
亦用蜜藏食之今俗謂之通草按通草作藤蔓大如指
其莖幹大者徑三寸每節有二三枝枝頭出五葉夏秋
開紫花或白花白花結實如小木瓜核白瓢黑食之甘
美南人謂之燕覆亦云烏覆非此類也

蓼

舊虞蓼郭氏云即蓼之生水澤者也蓼類甚多有紫蓼

赤蓼青蓼馬蓼水蓼香蓼木蓼等紫赤二蓼葉小狹而厚青香二蓼葉相似馬水二蓼葉俱濶大上有黑點諸蓼花皆紅白子赤黑木蓼一名天蓼蔓生葉如柘花黃白子皮青滑其最大者名龍已見別章中蓼者妨稼之草故詩曰以薺荼蓼荼蓼朽止黍稷茂止然於調和有用故內則云膾秋用蓼鷄羹雞羹駕釀之蓼釀謂切雜之也漢尹都尉書有種芥葵蓼韭葱諸篇而長沙定王故宮有蓼園周頌曰未堪家多難予又集于蓼蓼辛物

故以為多難之喻越王苦思報吳卧則以蓼楚辭曰蓼蟲不知徙乎葵菜言蓼辛葵甘蟲各安其故不知遷也而魏文子曰蓼蟲在蓼則生在芥則死非蓼仁而芥賊也

本不可失

南都賦蓼
載藁荷

蘇

蘇荏荏郭氏曰蘇荏類故名荏荏說者曰以其味辛而形類荏故名之葉下紫色而氣甚香今俗呼為紫蘇煮飲尤勝取子研汁煮粥良長服令人肥白身香亦可生

食與魚肉作羹沙州記曰乞佛虜不識五穀唯食蘇子
南都賦曰蘇穀紫薑拂徹羶腥今蘇有數種皆是荏類
白蘇方莖圓葉不紫亦甚香實亦入藥魚蘇似茵陳大
葉而香吳人以煮魚者一名魚薺其生山石間者名山
魚蘇又有水蘇一名雞蘇或言雞蘇水蘇是兩種又有
假蘇者亦以香氣似蘇故名蘇說者云假蘇即荏芥或
曰假蘇葉銳而圓非荏芥也

荏

荏陶隱居云荏狀似蘇而高大白色不甚香其子研之
雜米作糜甚肥美下氣補益江東人呼為蕒以其似蘇
字但除禾邊也笮其子作油煎之即今油帛及和漆所
用者服食斷穀亦用之名為重油蓋江東以荏子為油
北土以大麻為油又其言名為蕒似是蘇中魚蘇耳蕭
炳云有大荏形似野荏高大葉大於小荏一倍不堪食
人收其子以充油絹帛其小荏子欲熟人採其角食之
甚香美蘇荏之屬宜近人種以小鳥好食之禽經曰

闕

者不上桑櫻活者不下荏言鳥之食含桃者乃不下
顧荏耳

芥

芥似菘而有毛味極辛辣其類甚多似菘者名青芥有
紫芥莖葉皆紫作齏食之最美有白芥子麤大色白如
梁米舊云從西戎來謂之白胡芥其餘南芥旋芥花芥
石芥皆菜茹之美者梁周興嗣次千文云菜重芥薑左
傳季郇之雞鬪季氏介其雞謂以芥播其羽大抵南土

多芥嶺表錄異曰廣州地熱種麥則苗而不實北人將
蔓菁子就彼種者出土即變為芥嶺南異物志曰南土
芥高者五六尺子如雞卵廣州人以巨芥為鹹菹埋地
中有三十年者貴尚親賓以相餉遺

音釋

藟

來丁切

苳

音戶

釵

通作銅

鑊

黃郭切

腳

音香牛臙也

臙

許云切羊

也臙

許堯切

臙

音未

莖

音進除

莖

音參

槲

音賈

著

蕩

遂

抽六切詩

言采其遂

蕩

爾雅音他羊切

廣韻吐郎切

蔞

音商

著

著

著

著

著

著

著

著

贛

音贛

相

去聲

螯

音釋

從

音縱

烏

咏

友

音急

董

音謹

蒨

音色

門

冬

牆

音牆

靡

音美

蘘

音門

穰

古猛反

寢

浸

通作

藁

上如

苴

即魚反

蓐

音蓐

蓐

音蓐

蓐

音蓐

蓐

音蓐

苦

以膽和醬也

膾

音會

庶

音煮

活

音奪

瓢

音奪

瓢

音奪

瓢

音奪

捻

奴協反

藪

音福

蓼

師力切

蓼

音蒿

蓼

音蒿

蓼

音蒿

蓼

音蒿

蘇

而錦反

殺

音殺

莳

外諸切

笮

音窄

芥

音窄

邱

邑名

音候

爾雅翼卷七

欽定四庫全書

爾雅翼卷八

宋羅願撰

釋草

芙蕖

鬱

瓜

瓠

匏

臬

葛

雞齊

蒹

棘

肩

收

牛蘄

苜蓿

臺

莎

稗

稂

莠

芙蕖

荷芙蕖其莖茄其葉蓮其本菡其華菡萏其實蓮其根藕其中的的中薏李巡曰芙蕖其總名也別名芙蓉郭璞曰菡萏下白藕在泥中者今江東人呼荷華為芙蓉北方人便以藕為荷亦以蓮為荷蜀人以藕為茄或用其母為華名或用根子為母葉號此皆名相錯習俗傳誤失其正體者也毛詩義疏曰芙蕖莖為荷其葉未發

為菡萏已發為芙蓉其實蓮青皮裏白子為的的中有青長三分如鈎為薏語曰苦如薏者也的五月中生生噉脆至秋表皮黑的成可食可磨以為飯輕身益氣令人強健又可為糜周書曰魚龍成則數澤竭數澤竭則蓮藕掘宋時太官作血蝟庖人削藕皮誤落血中遂散不凝醫乃用藕療血多効葉可裹物漢鄭敬為新遷功曹與同郡鄧敬折芰為米以荷為肉齊師伐梁以糧運不繼調市人餽軍建康令孔奐以麥屑為飯用荷葉裹

之一宿之間得數萬裏古詩有魚戲蓮葉間魚戲蓮葉
東魚戲蓮葉西魚戲蓮葉南魚戲蓮葉北今人言池中
養蓮者莖葉茂密魚動輒損鱗不得遂長古今注一名
水芝一名澤芝一名水花管子曰五沃之土生蓮

鬱

鬱鬱金也其根芳香而色黃古者釀黑黍為酒所謂秬
者以鬱草和之則酒色香而黃在器流動詩所謂黃流
在中者也周禮有鬱人掌裸器凡祭祀賓客之事和

鬱鬯以實彝而陳之又有鬯人掌共秬鬯而飾之先儒
以為鬱者築鬱金煮之以和鬯酒鬱草名為草若蘭十
葉為貫百二十貫為築以煮之鑊中停於祭前鬯謂不
和鬱者釀黍為酒芬芳條暢於上下也其祭社禘門共
秬鬯雖云無鬱亦尸所飲以灌地其汁下入於地其氣
上升於天故云條暢於上下然則黑黍為酒謂之鬯加
鬱則為鬱爾然秬鬯亦是無鬱之通名故鄭注汁獻流
于醖酒云秬鬯者中有煮鬱和以盎齊說苑云鬯者百

草之本也上暢於天下暢於地無所不暢故天子以鬯
為贄說文解鬯字云以秬釀鬱艸芬芳攸服以降神也
又解鬱字云鬱鬯百艸之華遠方鬱人所貢芳草合釀
之以降神鬱今鬱林郡也然則自常言之鬯亦可以無
鬱自鬱與鬯對言之則當致其辨爾

晉左九嬪鬱金頌
曰越自殊域厥珍

來
尋

瓜

瓜古人以紀時故遣戍者稱瓜時而往及瓜而代大戴

禮夏小正五月乃瓜乃瓜者治瓜之辭也瓜也者始食
瓜八月剥瓜蓄瓜時也周詩則以七月為食瓜之候蓋
夏之五月也詩云中田有廬疆場有瓜是剥是蒞獻之
皇祖曾孫壽考受天之祜蓋薦瓜之重如此故天子樹
瓜華不斂藏之種而為天子削瓜者副之巾以絺副析
也既削又四析之乃橫斷之而巾覆焉為國君者華之
巾以絺華中裂之不四析也為大夫累之累褊也謂不
以巾覆士寔之不中裂但橫斷去寔而已庶人齧之不

橫斷也瓜祭則上環食中棄所操古之用瓜者其嚴如此周詩瓜無所出之地至秦漢間東陵侯種瓜長安城東而美故謂之東陵瓜又謂之青門瓜其後以遼東廬江燉煌之種為美而瓜州大瓜如斛御瓜也故名其州曰瓜其它瓜名尚多說文曰窰嬾也草木皆自豎立唯瓜瓠之屬卧而不起似若嬾人常卧室故字從山荆楚之俗七月七日牽牛織女會乃設瓜果於庭中有喜子網於瓜上則以為得巧以織女主瓜云

瓠

瓠匏之甘者詩甘瓠纍之古者王政瓜瓠果蓏植於疆
場正月可種瓠六月可畜瓠八月可斷瓠作菹詩云斷
壺瓠中白膚所謂張蒼肥白如瓠者也可以飼豕致肥
其瓣可以作燭致明其葉又可為菜詩所謂幡幡瓠葉
采之亨之是也然與匏不異但當以大小長短甘苦為
間爾然古今亦通言惠子稱魏王貽我大瓠之種世有
種大瓠法鑿坎方廣四五尺先糞其地及生擇取四本

每兩本相近處各以竹刮去半皮併而封之俟其活除去一穗又復取此兩大本相併復去一穗如前法蓋四本同發一穗自然易大及著子獨留兩枚如此則一斗之種變為一石此魏惠王大瓠法也

周禮卷人崇門用
瓠齋注謂取甘瓠

割去抵以
齊為尊

匏

河汾之寶有曲沃之懸匏焉鄒魯之珍有汶陽之孤篠焉良工取以為笙崔豹古今注曰匏瓠也壺盧匏之無

柄者也。瓠有柄曰懸瓠，可為笙曲沃者尤善。秋乃可用。用則漆其裏，匏在八音之一。古者笙十三簧，竽三十六簧，皆列管。匏內施簧，管端通。典曰：今之笙竽以木代匏而漆，殊愈於匏。荆梁之南尚存古制，南蠻笙則是匏，其聲甚劣。則後世笙竽不復用匏矣。匏既為樂器，又以為飲器。詩酌之用匏，孔子稱繫而不食者良，以待其堅而為用故也。詩稱匏有苦葉，濟有深涉，說者徒以為苦葉之生乃濟深之候，按叔嚮稱苦匏不材於人，共濟而已。

注佩匏可
以度水

魯叔孫賦匏有苦葉必將涉矣是苦匏可剗

以涉水鵽冠子曰賤生於無所用中流失船一壺千金
壺即匏也其性浮得之可以免沈溺故當失船之時其
直千金也此亦如天竺涉水帶浮囊之類又孔子稱匏
瓜繫而不食者近世洪氏說以為天之匏瓜星天官星
占曰匏瓜一名天雞在河鼓東匏瓜繫而不食猶言南
箕不可簸揚北斗不可以挹酒漿也按楚辭王褒九懷
稱援匏瓜兮接糧曹植洛神賦曰歎匏瓜之無匹兮詠

牽牛之獨處阮瑀止慾賦曰傷匏瓜之無偶悲織女之獨勤則古稱匏瓜皆謂星爾

泉

有實為苴
無實為泉

麻與麥互相為候麥黃種麻麻黃種麥蓋夏至之時麥熟而種麻者以至日前十日為上時至日為中時至後為下時諺曰夏至後不沒狗或答曰但雨多沒橐駝蓋雨多則頗盛矣種泉太早則剛堅厚皮多節晚則皮不堅寧失於早不失於晚詩曰藝麻如之何橫從其畝

按韓鄂四時纂要云種麻熟耕地從橫七遍已上生則無葉是蓺麻欲熟之驗故以比娶妻者欲其告父母熟思而行之也管子曰五沃之土其陽則安植之五麻若高若不下擇疇所其麻大者如箭如葦大長以美其細者如翟如蒸欲有與各大者不類小者則治揣而藏之若衆練絲

葛

葛締絡草也國風曰葛之覃兮施于中谷維葉莫莫是

刈是獲又曰葛生蒙楚蔭蔓于野旄丘之葛兮何誕之
節兮葛生山澤間其葛延盛者牽其首以至根可二十
步釋丘云前高則旄丘之葛蓋誕濶矣此言雖同根一
體然相去差遠其緩急不相應也故曰叔兮伯兮何多
日也黎之望於衛亦如此矣吳都賦蕉葛升越弱於羅
紉禹貢卉服注云草服葛越葛花藤皆可醒酒去酒毒
漢江都王建傳云繇王閼侯遺建荃葛注
荃細布也字本作絳葛即今之葛布也

雞齊

雞齊一名鹿藿一名黃斤今之食葛非為締綌者也其
生延蔓甚者其蔓首至根可二十步人皆掘食之生食
甜脆亦可蒸食有粉今江南人凶歲則掘取以禦凶荒
大抵南康廬陵者最勝多肉而少筋甘美然當取入土
深大者或又曰入土五六寸以上者名葛脰服之令人
吐以有微毒也其花藤皆可醒酒而去酒毒服方寸匕
飲酒不知醉博物志曰野葛食之殺人家種之三年不
收後旅生亦不可食吳都賦食葛香茅注云食葛蔓生

與山葛同根特大美於芋也

蕹

崔蒨郭璞曰今荒蔚也葉似荏方莖白華華生節間全似杜天麻而不生橫枝中谷有蕹之詩一章曠其乾矣二章曠其脩矣三章曠其濕矣此燒蕹行水之序也鄭氏解季夏之月燒蕹行水以為蕹謂迫地芟草也欲稼萊地先蕹其草草乾燒之至此月大雨流水潦畜於其中則草死不復生而地美可稼也說文又稱耕暴田曰

曠然則曠其乾者先暴之也曠其脩者火燒之脩脩然也曠其濕者水浸之也此即周禮雉氏掌殺草夏至日而雉之如欲其化也則以水火變之者也夫暴雖猛猶可蘇也焚雖烈猶可藥也復加之以水則生意盡矣每變愈甚此所以興夫日以衰薄者也張衡東京賦稱秦之暴也如雉氏之焚草既蘊崇之又行火焉彼特以為君民之譬而猶惡之况施之夫婦之際耶雖然草之遇此者多矣而獨言夫雉者蓋雉一名益母曾子見之而

悲詩人之託此亦其窮而反本氓之詩色衰相棄則歎
兄弟之不知竹竿適異國而不見答則歎父母之相遠
此所以獨感於益母歟

縠

縠泉屬高四五尺或六七尺葉似苧而薄實如大麻子
今人績以為布及造繩索說文云縠泉屬引詩衣錦縠
衣或作縠又作苧音與頃畝之頃同又云縠縠也引詩
衣錦縠衣示反古作縠音夫迥反而字書苧或作苧然

則黼黻尚裝類尚一物也今詩用此裝字說者引玉藻
禪為祠祠與裝同以為衣裳用錦而上加禪縠焉以為
庶人之妻嫁服則與許氏說異中庸曰衣錦尚絅惡其
文之著也

本草有尚實圖經云花
黃實縠如蜀葵子黑

荷

荷戎葵郭氏曰今蜀葵也似葵華如木槿然今蜀葵非
一種有深紅淺紅有紫有白莖皆相似其開花自本以
漸至未盛夏次第開敷光彩可觀惟黃者特異葉大而

衢深有如龍爪黃花紫心六瓣而側今人亦謂之側金
盞收以傳瘡腫之屬大抵作器四多倣此凡草木從戎
者本皆自遠國來古人謹而志之今戎葵一名蜀葵則
自蜀來也如胡豆謂之戎菽亦自胡中來戎者胡蜀之
總名耳其來之始今不復知蜀羌髳自商時已通中國
矣

菽

收荊葵也蓋戎葵之類比戎葵葉俱小故謝氏曰菽小

草多華又翹起也花似五銖錢大色粉紅有紫文縷之
一名錦葵大抵似蘆葦華故陸氏云似蕪菁花紫綠色
可食微苦是也亦其文采相錯故陳風男子悅女比之
曰視爾如荻言如戎葵之葉小而可愛也此與戎葵異
類故釋草荍戎葵郭氏曰今蜀葵也似葵華如木槿又
曰荻比茅郭氏曰今荆葵也似葵紫色則戎葵與蜀葵
荻與荆葵其所來各不同本草蜀葵中云小花者名錦
葵一名戎葵功用更强則是以此雜之蜀葵中而又反

得戎葵之名矣崔豹古今注又云荆葵一名戎葵一名
芘芘似木槿而光色奪目有紅有紫有青有白有黃莖
葉不殊但花色有異耳一曰蜀葵其說戎葵蜀葵之狀
可也混荆葵芘芘之名於內者非也然今人亦通呼此
為錦蜀葵則從其類比附之爾又今有一種葉纖長而
多缺如鋸花小如錦葵而極紅每以夜半開至午則連
房脫落謂之川蜀葵亦云朝開暮落花

牛薺

牛蘄今謂之馬蘄似芹葉細銳可食菜也生水澤旁苗似鬼針恭菜等花青白色子黃黑色似防風子蓋其子甘草而芳故古人云野人有快炙背而美芹子者欲獻之至尊雖有區區之意亦以踈矣此猶彌子瑕之事衛君忘其口而念我者也養生論曰榆令人暝今牛蘄炒食亦令人得睡然醫方不專食之但用以作飲食與懷香及佛誓國所生時羅等並同大小芳香皆相似但懷香時蘿扁牛蘄長舊說曰牛蘄香似橘皮而無苦味釋

草一名茭

苜蓿

苜蓿本西域所產自漢武時始入中國史記曰大宛有苜蓿漢使取其實來於是天子始種苜蓿離宮別觀旁盡種蒲陶苜蓿極望漢書西域傳亦曰罽賓國有目宿大宛馬者目宿武帝得其馬漢使采蒲陶目宿種歸天子益種離宮館旁然不言所攜來使者之名博物志曰張騫使西域得蒲陶胡葱苜蓿蓋以漢使之中騫最名

著故云然而述異記亦曰張騫苜蓿園在今洛中按今
苜蓿甚似中國灰藿但藿苗葉作灰色而苜蓿苗端常
有數葉深紅可愛今人謂之鶴頂草秋後結實黑房纍
纍如稊故俗人因謂之木粟其米可為飯亦有可以釀
酒者晉華廣免官為庶人武帝登凌雲臺見廣苜蓿園
阡陌甚整依然感舊此物雖出西域今人家羅生等蒿
蓬矣而陶隱居乃云長安中有苜蓿園北人甚重此江
南人不堪食之以無味故也外國復別有苜蓿草以療

目非此類也然按此物即是自外國來又為茹甚軟美
不知隱居何以言此

臺

臺者莎草可為衣以禦雨今人謂之蓑衣詩雅言得賢
為邦家立太平之基凡言八物以臺為首蓋禦雨之具
雖至微然非平日預知其所在蓄以待乏則一旦欲用
索之而不得故特宜先備亦猶賢者之不可不預蓄也
越王勾踐棲於會稽之上求謀士退吳者大夫種進對

曰臣聞賈人夏則資皮冬則資絺旱則資舟水則資車
以待乏也夫雖無四方之憂然謀臣與爪牙之士不可
不養而擇也譬如蓑笠時雨既至必求之今君王既棲
於會稽之上然後乃求謀臣無乃後乎是古者蓄蓑笠
以備患比之賢者之待難矣臺蓋賤者所服都人士述
衣服之制蓋此詩所述皆儉狐裘黃黃狐不足貴臺
笠緇撮臺笠止雨緇撮通貴賤始冠之服充耳琇實琇
雖美而石垂帶而厲帶長而已傷今人之不遵郊特牲

曰黃衣黃冠而祭息田夫也野夫黃冠黃冠草服也狐
裘黃衣以裼之黃黃謂此大羅氏天子之掌鳥獸者也
諸侯貢屬焉草笠而至尊野服也臺笠謂此蜡禮自伊
耆氏始蓋已久矣然猶存其衣服之制謹而不敢變可
謂衣服不貳從容有常矣此所以傷不復見古之人也
毛氏云臺所以禦暑笠所以禦雨箋云臺夫須也以臺
皮為笠毛氏知臺笠為二物但獨言笠禦雨未當鄭氏
則言臺皮為笠夫臺但可以為衣不可為笠古稱臺笠

蓑笠自謂臺與笠爾不必以臺笠緇撮之語必欲合為一物也越語所謂蓑笠已見上文又齊語曰今夫農時雨既至脫衣就功首戴茅蒲身衣襍襖韋昭曰茅蒲簷笠也茅或作萌萌竹萌之皮所以為笠則笠不用臺為可知又曰襍襖蓑薜衣也則襍襖以莎草為之今人作笠亦多編筍皮及箬葉為之其臺為衣編之若甲穆穆而垂故雨順注而下然或藉而卧則不能隔雨山海經曰三危之山有獸其豪如被蓑郭氏亦云蓑皮雨草衣

則莎但可為衣不可為笠明矣臺一名曰夫須蓋匹夫所須

莎

莎莖葉都似三稜根若附子周匝多毛大者如棗近道者如杏人許謂之香附子一名雀頭香合和香用之招隱云青莎雜樹兮蘋草蘼靡說文以為青蘋似莎者然則蘋與莎相似但以大小為異爾陶隱居以為古人詩多用之而無識者河中府有綠莎廳晏元獻公庭莎記

曰是草耐水旱樂延蔓雖拔心墮葉弗之絕也

子虛賦
薛莎青

蒨張揖曰莎鎬侯也

顏師古曰即今青莎

稗

孟子曰五穀者種之美者也苟為不熟不如稊稗稊與稗二物也皆有米而細小故莊子曰道在稊稗言比於穀則微細而不精道亦在焉又曰若稊米之在太倉亦言小也爾雅稊莢釋曰稊一名莢似稗之穢草布生於地而稗則生下澤中故古詩曰蒲稗相因依汜勝之書

曰稗水旱無不熟之時又特滋盛易得蕪穢良田畝得
二三十斛宜種之以備凶年又稗中有米熟時可擣取
炊之不減粢米又可釀作酒武帝時令典農種之一項
收二十斛斛得米三升大儉可磨食之蓋稗遇水旱無
不熟而五穀則有熟不熟之時以此不熟方之於稗則
為不如耳草之似穀可以養人者甚多博物志稱節草
實生海洲上食之如大麥從七月熟民斂至冬乃訖或
曰禹餘糧言禹治水棄其餘糧化而為此本草稱東蓂

子虛賦云東藩張揖曰實可食

生河西苗似蓬子似麥可為飯河西人

語曰貸我東舊償爾田梁又茵米可為飯生水田中苗子似小麥而小四月熟久食不飢爾雅所謂皇守田者也狼尾草子作黍食之令人不飢爾雅所謂孟狼尾者也又有蒯草子亦堪食如杭米又蓬草子作飯無異杭米儉年食之此皆五穀之外可以接糧者故附著之

狼

狼惡草也與禾相雜故詩人惡之古者以飼馬魯仲孫

它馬餽不過稂莠謂此也釋草稂童梁郭璞以為莠類
說文云禾粟之米生而不成者謂之董節或從禾從良
而陸璣亦云禾粟秀為穗而不成則疑然謂之童梁今
人謂之宿田翁或謂之守田也按詩稱稼之茂美繼之
以不稂不莠去其螟螣及其蠹賊則稂莠以下皆是害
稼者

孔氏正義云稂莠苗既似禾實亦類粟鋤禾除非類

莠既別是一物則稂亦

當是一物故郭璞云莠類蓋未能的知其物故稱其類
耳而許叔重陸璣以為禾之不成者則是亦禾而已何

至與莠並稱乎按本草有狼尾草子作黍食之令人不
饑似茅作穗生澤地廣志曰可作黍引爾雅孟狼尾今
人呼為狼茅子然則此物似是稂爾稂既有實如黍故
能亂苗又莠今謂之狗尾草稂名狼尾則以相類爾雅
䟽解孟狼尾亦云草似茅香今人亦以覆屋而鄭解下
泉浸彼苞稂云稂當作涼涼草蕭著之類蓋特取下章
浸蕭著為言去之益遠

莠

莠者害稼之草說文但云禾粟下生莠而已考亦不言何物詩人以來特惡之故齊詩曰無田甫田維莠騫騫又曰維莠稂稂言田廣而人力不至則莠生其中氣象騫稂陵出苗上也故孔子曰惡莠恐其亂苗也莠既惡物故言之不美者謂之莠言先儒不適言何物唯韋昭解魯論云莠草似稷無實又韋曜問答云甫田維莠今何草答曰今之狗尾也然後此物方顯今之狗尾草誠似稷而不結實無處不生左傳鄭公孫揮過伯有氏其

門上生莠子羽曰其莠猶在乎以喻伯有不能久存晉
明帝時王如舉兵作亂令人種禾禾悉變莠已而軍敗
商書曰若苗之有莠戰國策曰幽莠之幼也似禾

音釋

芙蕖

茄

古遐切

蘼

何加切

藟

美筆切

弱

音弱

鰒

音勘

鬱

鏹中

子遙反又似消反
溫器三足而有柄

榮

音詠

汁獻

上之十反下注
讀為莎素何反

沈

舒銳

反醖

莊產切
酒摩娑涕之出其香汁因謂之汁莎

醖

烏浪反

瓜

瓜華

鄭特牲注華果蓏也又詔以天子樹
瓜蓏而已戒諸侯以蓄藏蘊財利也

為

于偽

反副 普逼反

絺 勅宜反

析 星歷反

華 胡瓜反

綌 去逆反

葛

累 力果反

寔

音帝

齧

恨没反

去

起呂反

上環

注頭付也付本

又作判 寸本反

寐

音眠

山

音眠

瓢

蘇

魯果切

說文在木曰蘇

場

音亦

留

音緇 耕地反 草曰留 一音栽 植物地中謂之留

注瓢齋

瓢謂瓢蟲齋杜讀為棗鄭讀為

五齋之齊 榮門用之

注柢

音帝

匏

篠

先鳥切 細竹也

泉

音徒

如隤

與雀字 同音丸

揣

楚委切 量也 一曰捶之也 管子注 欲有施與 則以麻之大而類也 細麻既治 揣而藏之 故

若練 絲

葛

獲

胡郭反

施

以政反

刈

魚廢反

歛

音廉

卉

許貴反

葛越

王月反 文選注 草布也 一音活

推

崔推

他回切

荒

茂

反蔚音尉

瞋音漢

雉音替

暴步卜切

榮音頌

禪音單

穀胡谷切

肩音肩

收音翹

芘音毗浮

牛

斬音芹

恭音甜

瞑莫定切

苜蓿

屬賓

上居例切

嶺徒弔切

臺

裼思歷反袒而有衣曰裼

伊耆

下巨夷切

蜡

音乍索也合

簦

音登

襜褕

上音襜下

蓑薜

國語注

蓼蓼蘇含切

箬音若

莎

霍

音髓隨風披敷

稗英

大結切

節音師

蒨音罔

蒨苦怪切

稂音郎

莠羊九切

適音的

也主幽秀

夏小正有莠幽陳蕭謂萎也

--	--	--	--	--	--	--	--

爾雅翼卷八

欽定四庫全書

經部

爾雅翼卷九至十四

詳校官國子監祭酒臣覺羅吉善

洗馬臣王坦修覆勘

總校官庶吉士臣倉聖脉

校對官中書臣范 鏊

謄錄監生臣劉 璠

欽定四庫全書

爾雅翼卷九

釋木

檜

檠

棋

穀

樅

榿

梧

六駿

榛

桐

梓

并問

楮

棘

棟

宋羅願撰

檜

檜一名枯。禹貢荊州貢杞、檜、栢、榦、柘也。枯，檜也。故檜無有枯音。栢，葉而松身，性能耐寒，其材大，可為舟及棺。榔，左傳稱棺有翰檜，而淇水檜楫，松舟也。衛詩之託興，以為物各有偶，檜之與松，其生固已相類，至其剡剡而為濟川之用，則又相須，使女之適異國者，每如此，則何有不見答者哉？唯其不能然，是以有思歸之作。是詩與泉水皆衛女所以寓其思，泉水則思出，同歸異之，肥泉

竹竿則思出同歸同之松檜也檜今人亦謂之圓柏以別於側柏又有一種別名檜柏不甚長其枝葉乍檜乍柏一枝之間屢變人家庭宇植之以為玩

樅

樅松葉柏身檜柏葉松身從者合異而為同會者聚兩以為一故二木合松柏之體而取合從胥會之義猶淮南子云槐榆與橘柚合而為兄弟也樅大木千仞無枝利以為夏屋郭璞曰今大廟梁用此木是誠木之可貴

者也尸子曰松柏之鼠不知堂密之有美樅今貂鼠好在松上食松皮人謂之松狗所謂松柏之鼠當謂此耳樅松葉柏身其味當美而鼠不知也字說曰檜柏葉松身則葉與身皆曲樅松葉柏身則葉與身皆直樅以直而從之檜以曲而會之以直而從之故音從容之從以曲而會之故音會計之會

榛

榛枝莖如木蓼葉如牛李色高丈餘子如小栗其核中

悉如李生則胡桃味膏燭又美亦可食噉漁陽遼代上
黨皆饒鄭注禮曰榛似栗而小關中鄜坊甚多然則其
字從秦蓋此意也邶詩曰山有榛云誰之思西方美人
旱麓之詩曰瞻彼旱麓榛楛濟濟說者曰旱山名也麓
山足也旱山之足林木茂盛者得山雲雨之潤澤也又
說者以榛可為贅為文事楛可為矢為武事是蓋不然
夫榛楛皆用之武事說文榛木也一曰敢也敢蓋矢之
善者春秋傳所謂致師者左射以敢是也若楛則為矢

甚明周世脩后稷公劉之業而申以百福千祿皆文事也然不可無武備故瑟彼玉瓚以下述文治之美而首章言武備也周語曰夫旱麓之榛楸殖故君子得以易樂千祿焉若夫山林匱竭林鹿散亡藪澤肆既民力彫盡田疇荒蕪資用乏匱君子將險哀之不暇而何易樂之有是先有險哀之備而後可以及易樂也又女贄用榛者左傳曰女贄不過榛栗棗脩以告虔也稱告虔者榛有臻至之義栗有戰栗之義棗有早作之義脩有脩

飭之義皆以其名告已之處恭也又一種大小枝葉皆如栗其子形如杼子味亦如栗所謂樹之榛栗者其下云爰伐琴瑟是大木非榛楛之榛至女贄則宜兩者皆可用

蜀都賦楛栗罇發榛與楛同

楛

楛堪為矢其莖似荆而赤其葉如蒼古者楛矢則石為之磐仲尼在陳有隼集於陳庭而死楛矢貫之石磐其長尺有咫問諸仲尼仲尼曰隼來遠矣此肅慎氏之矢

也昔武王伐商封異姓以遠方之職貢使無忘服故以
楛矢封陳使求諸故府果得之夏書荊州之貢礪砥砮
丹惟箇簞楛則夫楛矢石砮者中州職貢之常也今仲
尼獨以遠方之貢為驗豈三代之際職貢不同或者不
妨中國自有之特其長尺有咫者為肅慎之物歟是貢
既分於陳而隼又適集其庭以死豈陳人竊以射隼耶
然仲尼言隼來之遠則是自海外負矢而至也先公之
分器受之王室子孫宜相與誦而寶之魯之寶玉大弓

出入必書而晉文之受彤弓范匄詫之於諸侯陳之所
受於周以鎮撫其社稷者獨有此耳今隼以矢來君臣
相顧乃無識反質之於客抑與數典忘祖者類矣陸璣
云上黨人織以為斗筭箱器又屈以為釵故上黨人調
問婦人欲買赭否曰竈中自有黃土買釵否曰山中自
有楛言其俗朴也顏監曰楛木堪為箭筈今幽以北皆
用之土俗呼其木為楛子又禹貢惟菌輅楛顏監曰皆
可為矢

檠

檠山桑顏師古以為山桑之有點文者其葉可以食蠶而材尤有用古者青州以絲為貢以檠絲為筐蓋食檠之蠶其絲中琴瑟絃盛之箱篚貴之也其材可以為車轅又可以為弓弓人取幹之道七柘為上櫪次之檠桑次之橘次之木瓜次之荆次之竹為下周幽王之亂檠弧箕服之謠兆於宣王之時竟取棄女以亡周國先王之制戎器不鬻於市而至於夫婦鬻是器則已異矣檠

之為弓見於此時箕草似荻而細織以為矢服說者以
為近射妖管子五粟之土其麋其桑周詩言文王之事
攘之剔之其麋其柘

檉

檉河柳郭璞以為河旁赤莖小楊也其皮正赤如絳而
葉細如絲婀娜可愛天之將雨檉先起氣以應之故一
名雨師而字從聖字說曰知雨而應與於天道木性雖
仁聖矣猶未離夫木也小木既聖矣仁不足以名之音

頽則赤之貞也神降而為赤云檉非獨能知雨亦能負
霜雪大寒不彫有異餘柳蓋莊子以松柏獨受命於地
冬夏青青比舜之受命於天檉之從聖亦以此歟詩皇
矣云作之屏之其畱其翳脩之平之其灌其樹啓之辟
之其檉其裾攘之剔之其檠其柘蓋文王之養才於山
林日就繁茂故其始而屏除之也始於已死之畱翳而
及於庵籬之灌樹又及於檉裾之小材又不得已而及
於檠柘之良木以明草木逾茂則始之所愛者不能並

育以漸去焉故其卒至於柞栲斯拔松柏斯充也然則
檿亦良木矣漢書鄯善國多檿柳段成式云赤白檿出
涼州大者為炭復入灰汁可以煮銅南都賦注檿似柏
而香今檿中有脂號檿乳

桐

榮桐木物之榮者多矣獨桐名榮者桐以三月華蓋自
春首東風解凍蟄蟲魚獺鴻鴈皆應陽而作惟桃桐之
作華乃在衆木之先其榮可紀故名桐為榮也周書時

訓曰清明之日桐始華桐不華歲有大寒蓋不華則陽氣微陽氣微則寒可知已又易緯曰桐枝濡毳而空中難成易傷須盛氣而後華蓋以經言始華有遲之之義桐與梧既異而桐之中又有數種有其子可以取油者蓋即詩所謂其桐其椅其實離離者也有華而不實堪作琴瑟者若生石間其聲則鳴書嶧陽孤桐是也雲南牂牁人亦績以為布其葉飼豕肥大三倍至秋後亦用以飼魚鄉人養鮠魚者每春以草養之頃能肥大秋後

食以桐葉以封魚腹則不復食亦不復瘦以待春復食也晉武帝時嘗得一石鼓擊之無聲張華請用蜀桐材刻魚形扣之音聞數里而董仲舒請雨秋以桐魚九枚莫曉其義王逸子曰木有扶桑梧桐松柏皆受氣淳矣異於羣類者松柏冬茂陰木也梧桐春榮陽木也扶桑日所出陰陽之中也管子五粟五沃之土宜桐又漢西域鄯善國有胡桐亦似桐蟲食其木則沫出其下流者俗名為胡桐淚言如目中淚也可以汗金銀流俗語訛

呼淚為律

棘

棘心赤而外有刺故朝位植之左九棘孤卿大夫位焉
羣士在其後右九棘公侯伯子男位焉羣吏在其後面
三槐三公位焉州長衆庶在其後蓋槐取懷來棘欲其
赤心而留意於三刺也又釋木云槐棘醜喬蓋言枝皆
翹竦有奉上之義亦藉其繁茂以為蔽外屏之義也棘
有赤白二種其刺亦有直者鈎者補益用直療腫用鈎

古人所謂造沐猴於棘刺言其難也春秋繁露曰美惡之類各以類應故以龍致雨以扇逐暑軍之所處生以棘楚蓋棘者刺人之物楚者撻人之物皆能傷人故緣類而生亦戟棘也越棘大弓取象於棘又棘可以為矢昔者楚之先祖桃弧棘矢以共禦王事蓋冰之將出桃弧棘矢以除其災桃能去厲棘植於花外則花不被霜所謂除災豈此之謂耶詩曰凱風自南吹彼棘心又曰吹彼棘薪凱南風也八風以生殺萬物東北曰條風物

至是而條鬯也東曰明庶風東方日所出以明庶物也
東南曰清明風宅東與南之交故明且清也南曰景風
明之極而有景也西南曰涼風暑至西南而薄也西曰
昌盍風昌盍天之門所以戒藏也西北曰不周風天傾
西北故其風不周徧也北曰廣莫風有北廣莫之野也
凱風既云自南乃當景風白虎通曰景風至棘造實蓋
吹彼棘心者將以趣其造實萬物之難生者棘而造實
又欲其應候南風雖能生物亦已勞矣八風謂之景衛

詩謂之飢以強教之也以棘為飢風之候則母氏之劬勞甚矣老子曰師之所處荆棘生焉以荆棘惡木有兵刑之象皇覽曰孔子塋中不生荆棘及刺人草管子五沃之土其棘其棠

棋

棋枳棋也其木徑尺葉如桑柘以為屋材則室中酒味皆敗其子作房似珊瑚核在其端其味甚甘小兒食之江東謂之木蜜崔豹古今注云枳棋子一名木蜜一名

木錫實如形

意是析字

卷曲核在實外味甘美如錫蜜一名

白石一名木實白木實名枳椇古者人君燕食所加庶羞凡三十一物其果則有菱椇棗栗榛柿瓜桃李梅杏楂梨又婦人之贄椇榛棗栗荆楚之俗亦鹽藏荷裏以為冬儲今不以為重賤者食之而已古語云枳椇來巢言其味甘故飛鳥慕而巢之或云枳句如枳木之勾曲今枳椇亦自勾曲故四代之俎有虞氏以椇夏后氏以歲商以椇周以房俎椇斷木為四足而已歲之言麇也

謂中足為橫距之象棋之言枳棋也謂曲撓之房謂足下跗也上下兩間有似於堂房孔氏以為枳棋之木其枝多曲撓亦引陸璣草木疏棋曲來巢以證曲撓之義蓋商俎似棋之曲耳棋今人謂之枿狗又謂之蜜曲錄

梧

梧者植物之多陰最可玩者青皮而白骨似青桐而多子蓋桐有青赤白而青桐又有有實無實之辨今人以梧之青亦曰青桐云其生莢如箕子相對綴箕上多者

至五六成材之後樹可得實一石食之味如芡古今方書稱九藥如梧桐子者蓋倣此也考莊子曰空閑來風桐乳致巢蓋子生纍然似乳鳥悅於得食因巢其上亦猶枳棋之來巢以味致之也此木易生鳥銜墜者輒隨生殖其畦種者是歲可高一丈古稱鳳凰集于朝陽梧桐之上豈亦食其實耶或曰梧桐以知日至正南生十二葉一邊有六葉從下數一葉為一月至上十二葉有閏十三小餘者視之則知閏何月也

進甲梧桐不生則九州異

梧亦

良木孟子所謂場師舍梧櫨而養櫟棘則為賤場師明
梧者場中所貴也此木雖不中樂器然堪車板盤合木
牒等用釋木稱櫨梧櫨者棺之別名豈古下鄉之罰所
謂桐棺三寸者亦有取此耶其皮今人亦剝用之然葉
春晚乃生望秋輒槁惠子所以據之而瞑也或者槁梧
即琴古者梧桐之名亦通齊地記曰城北十五里有桐
臺即梧宮

賈誼新書懸弧之禮東方之弧以梧梧者東

草夏木也中央之弧以桑桑者中央之木也西方之弧
以棘棘者西方之草秋木也北方之弧以棗棗者北方

之草冬
木也

梓

梓為百木長故古者名制器之工為梓人商人尚梓用
此故也郭氏解椅梓云即楸又解楸榱云大而鼓楸小
而鼓榱說文亦曰椅梓也梓楸也楸梓也榱楸也然則
椅梓楸榱一物而四名然定之方中既言椅又言梓故
詩義疏曰楸之疏理色白而生子者為梓梓實桐皮曰
椅而齊民要術稱白色有角者為梓或名角楸又名子

楸黃色無子者為椅楸世呼黃荆楸云然則是數者又以有子為辨耳管子五沃之土宜白梓楚地尤多此木故尸子曰荆有長松文梓而聲子亦曰杞梓皮革自楚往也屈原九章望長楸而太息室屋之間有此木則餘材皆不復震其葉可以飼豕肥碩三倍詩曰維桑與梓必恭敬止靡瞻匪父靡依匪母古者見喬木必下而趨所以廣孝桑者母之所事以供蠶繅梓者父之所植以伐琴瑟故見之而恭敬之心惕然生焉不必待於口澤

手澤之所漸也又梓之為木有子之道昔者伯禽康叔見周公三見而三筮遂見商子商子使觀于南山之陽見橋木高而仰又使之觀乎北山之陰見梓焉晉然實而俯商子曰橋者父道也梓者子道也於是二子再見乎周公入門而趨登堂而跪周公拂其首勞而食之則以能子道焉耳雜五行書曰舍西種梓楸五令子孫順孝蓋亦此義莢細如箸其長僅尺冬後葉落而莢猶在樹總總然其實一名豫章崔豹古今注曰棘實曰棗梓

實曰豫章桑實曰椹柘實曰佳魯季孫植六椹於蒲圃
東門之外子胥曰植吾墓椹任昉云中山有楸戶掌楸
木者楸可為什器貨殖傳山居千章之萩即楸字淮北
榮南河濟之間千樹萩其人與千戶
等侯

楝

楝木高丈餘葉密如槐而尖三四月開花紅紫色芬香
滿庭其實如小鈴至熟則黃俗謂之苦楝子亦曰金鈴
子可以練故名楝淮南子記十二月之木正月其木楊

許叔重以為陽於春為先二月其木杏杏有竅在中象陰布散在上三月李四月桃李桃有核與杏同顧先後熟爾五月榆六月梓其說未聞七月其木棟棟實秋熟故也八月其木柘亦未聞九月槐槐懷也可以懷來達人十月檀檀陰木也十一月棗取其赤心也十二月櫟可以為車轂木不出火唯櫟為然亦應陰氣也然則古以棟實應七月之氣管子五位之土種棟又鳳皇非梧桐不棲非棟實不食荆楚之俗五月五日民並斷新竹

筍為筒棧棟葉挿頭纏五絲縷江水中以為辟水厄士女或棟葉挿頭五絲纏臂謂為長命縷俗言屈原以此日投水百姓競以食祭之漢建武中長沙人有見人自稱三閭大夫者謂之曰所祭甚善常苦為蛟龍所竊蛟龍畏棟葉五色絲自今見祭宜以五色絲合棟葉縛之所以俗並事之宗懔引風俗通以為獬豸食棟原將以信其志也然則鳳凰獬豸皆食棟而蛟龍特畏之是亦異矣

穀

穀惡木也易生之物一說穀田久廢則生穀此聲所以通於穀其音又近御名或曰葉有瓣曰楮無曰構其實正赤如楊梅而無核鶴鳴之詩園之所有木不同而其下皆穀則以穀易生故也伊陟相太戊亳有祥桑穀共生于朝傳曰俱生于朝七日而大拱伊陟戒以脩德而木枯劉向以為桑猶喪也穀猶生也殺生之柄失而在下則是以桑穀為二物也而陸璣以為穀幽州謂之穀

桑或曰楮桑然則蓋一物也論衡曰楓桐之木生而速長故其皮肌不能堅剛樹檀以五月生葉後彼春榮之木其材彊勁車以為軸商之桑穀七日大拱長速大暴故為變怪穀雖易生至於七日而拱則已速矣而宋人刻玉為楮葉三年乃成列子曰使地三年而成一葉則物之有葉者寡矣江南人績其皮以為布又擣以為紙長數丈絜白光澤甚好其葉初生可茹又取班穀之皮以為冠裴淵廣州記曰蠻夷取穀皮熟槌為揭裏布鋪

以擬羶然則雖惡木用亦博矣管子五位之土其槐其棟其柞其穀南山經曰招搖之山有木焉其狀如穀而黑理其華四照其名曰迷穀佩之不迷

六駁

六駁木名其皮青白駁聲遠而望之似六駁之獸因以爲名其木則梓榆也秦風曰山有苞櫟隰有六駁又曰山有苞棣隰有樹檉毛氏直以爲獸之六駁則與苞櫟棣檉不相類故陸璣不從也六駁鋸牙之獸能食虎豹

者其狀如馬亦名駁馬此木既以六駁為號故亦兼駁馬之名又曰馬梓今之檀木皮正青而澤與莢蒾及此木相似故里語曰斫檀不諦得莢蒾莢蒾尚可得駁夫鳥獸草木之類特為難窮其形之相似者雖山澤之人朝夕從事有不能別其名之相亂者雖博物君子習於風雅有不能周故野人伐檀而得駁先儒訓駁而為獸其去本遠矣崔豹古今注曰山中有木葉似豫樟皮多癰駁者名曰六駁蘇子由曰其皮青白如駁言六未

詳

并閭

張揖解上林賦曰并閭櫟也木高一二丈傍更無枝葉大而圓有如車輪皆萃於木杪其下有皮重疊裹之每皮一匝為一節其花黃白結實作房如魚狀山海經曰石翠之山其木多櫟嶺南西川江南皆有之其皮為用最廣二旬一割則葉轉復生皮作繩入土號為千歲不爛孫權討黃祖祖橫兩蒙衝保守沔口以并閭大紲繫

石為疋又齊高帝時軍容寡少乃編稜皮為馬具裝此
蓋軍旅所須故晉令夷民守護稜皮者一身不輸而唐
書訶陵國在南海洲上立木為城作大屋重閣以稜皮
覆之王坐其中此皮堅韌不受雨故可以冒馬覆屋也
一名蒲葵晉人稱蒲葵扇扇自柄上攢衆骨如稜葉之
狀今宣歙衢信間扇是也梁張孝秀性通率常冠穀皮
巾躡蒲履執枰欄皮麈尾唐世以為拂令人遊山者作
稜鞋如淳解甘泉賦謂并閭其葉隨時政政平則平政

不平則傾顏師古曰如氏所說自是平慮耳并閭謂樓

也

周書王會云白州并閭其葉若羽伐其木以為車

又郭璞解上林賦曰胥邪

似并閭皮可作索南都賦曰楮枅枅欄蜀都賦曰樓枅

音釋

檣

杙

音春勃倫反

枯

古活反

柘

章夜反

翰

侯旰反成二年注疏楨榦也

樅

子庸七恭二切

榛

廊

音杼

敢

音鄒通作駒晁錯傳材官駒發夫道同的

肆既

國語注肆極也既盡也

杼

時渚切杼杼也

楷

石砮

音奴鐵也砥音脂一音旨砥細於

礪皆磨石也

筵簾

音筵路美竹

隼

音笋

分

去聲數切

所矩

莒

音莒

赭

音者

赤筴

又我切箭莖

檠

於簞切於力

服

與簾通

櫪

菑

側吏反又音緇

翳

於計反必領反

灌

古亂反

桺

音例

婢亦反

攘

如羊反他歷反

据

音居積去愧反草木疏節中腫以扶老即今靈

壽是也

板

方貝反徒外反

柞

才各子各二反

桐

獺

他達切

於宜切

牂牁

上音臧下居何切

鯢

胡管切

沫

音末

棘

槐棘醜

喬

爾雅注醜類也喬高也槐棘之類枝皆翹疎

三刺

秋官大司寇之職一曰訊羣臣二曰訊羣吏三

曰訊萬民注刺殺也

趣

音促

棋

俱甫反

枳

除盈切

枳

結奚賢二

枳句

古侯切宋王風賦枳句來巢

梔

音款

斷

丁亂反又下管反

巖

居衛切

跗

方于反

曲撓

禮記注音擾

橫距

上古曠反又音光又

華育反明堂位注

空閱

宋玉賦作空穴司馬彪

曰門戶孔空風善從之

木牒

齊民要術作

觀

初觀

穰音變屐也

穰音變屐也

暝

莊子注音眠

槁

苦老切

梓

椅

爾雅

於寄

榎

音賈

楸

音秋

皷

音鵲爾雅注

皷者為楸小而皮麓

皷者為榎

皮

廣韻注皷謂木

皮甲錯措音錯

勞食

皆去聲

棟

音練

穀

音谷

糴

音弄

切

穀

共

音拱

六駁

音剥

駁

音剝

駁

音剝

駁

音剝

駁

音剝

駁

音剝

并閭

并

南都賦作并

蒙衝

上謨蓬切字本作蒙

蒙

下昌容切

大紂

音薛

大紂

音薛

系也謂以

大紂繫

石

丁定切

勒

音刃

楮

音胥

枅

音邪

爾雅翼卷九

欽定四庫全書

爾雅翼卷十

宋 羅願 撰

釋木

梅

杏

桃

李

櫻桃

棗

栗

櫨

梨

橘

柚

橙

柿

櫟

被

梅

梅先春而華其實亦早故標有梅為昏嫁之候古者以梅實薦饋食之邊所謂乾蓀是也蜀志曰蜀名梅為蓀大如鴈子然邊人八邊而棗栗桃乾蓀蓀實僅五物故鄭氏解引內則桃諸梅諸以為證疏者從而廣之曰蓀為乾梅則桃為濕桃又桃諸是乾者桃有乾濕梅亦應有乾濕以足八邊之數其實既酸故以為和商書所謂爾惟鹽梅左氏傳曰水火醢醢鹽梅以亨魚肉禮記則

獸用梅而已詩義疏曰梅暴乾為腊羹臠齏中又可含
以香口梅既為腊故又稱乾腊山海經曰雲山之上其
實乾腊也管子五沃之土其梅其杏其桃其李今江南
梅熟之時輒有細雨連日不絕衣物皆裊謂之梅雨
說苑
曰越使諸發執一枝梅遺梁王夏小正曰
正月梅杏桃李則華五月煮梅為豆實

杏

五果為五穀之祥而杏華又候農時四民月令曰三月
杏花盛可蓄白沙輕土之田又曰三月昏參夕杏花盛

桑椹亦可種大豆謂之上時汜勝之書曰杏花如何可耕白沙齊民要術曰杏始華榮輒耕輕土弱土望杏華落復耕耕輒藺之故農事之候杏花昌葉而已

呂氏春秋曰冬

至後五旬七日葛始生葛者百草之先生者於是始耕

又曰禾生於棗或楊黍生

於榆大豆生於槐小豆生於李麻生於楊或荊大麥生於杏小麥生於桃稻生於柳或楊其生實又為農祥故曰梅桃杏實多者來歲為之穰師曠占術曰杏多實不蟲者來年秋禾善五木者五穀之先欲知五穀但視五

木擇其木盛者來年多種之萬不失一故五果分五行所以表五穀也又按五果之義春之果莫先於梅夏之果莫先於杏季夏之果莫先於李秋之果莫先於桃冬之果莫先於栗五時之首寢廟必有薦而此五果適丁其時故特取之杏之枝葉華果皆赤故古者鑽燧夏取棗杏之火也夏小正四月園有見杏

桃

桃華之繁麗者故稱桃之夭夭灼灼其華漢二千石綬

青色桃花縹三彩以為華也桃能去不祥桃之實在木上不落者名臬桃一名桃奴及莖葉毛皆去邪故古者植門以桃梗出冰以桃弧臨喪以桃茆典術曰桃者五木之精仙木也故厭伏邪氣制百鬼或曰東海中有度朔山上有大桃木蟠屈三千里其枝東北曰鬼門萬鬼之所出入有二神人曰神荼鬱壘主閱衆鬼之惡害人者執以葦索而用以飼虎黃帝法而象之毆除畢因立桃梗於門戶上畫鬱壘執葦索焉又淮南子曰羿死於

桃楸楸大杖也言為桃木所擊死由是以來鬼畏之其實桃西方之木味辛氣惡物或惡之木之不用桃猶菜之不用辛也古者出冰桃孤棘矢以除其災荆楚設之以共禦王事則其來久矣詩曰灼灼其華有蕢其實其葉蓁蓁率以喻昏姻之時韓子曰春植桃李夏得蔭其下秋得食其實春種蒺藜夏不得采其實秋得刺焉以喻所植之得人與不得其人在始而已灼灼其華以言其春葉與實以言其夏秋蓋桃者華實俱茂而又早成

蓋三歲而有子諺曰頭白可種桃言可待也桃性皮橫而急四年以上者宜以刀立剝其皮七八年即老十年即死是以宜歲常種之春秋運斗樞曰玉衡星散為桃夏小正六月煮桃桃實有毛故魯以黍雪桃禮記桃曰膽之說者以為膽擇取美者似恐亦是去毛之義

疏曰桃多

毛拭治去毛令色青滑如膽也

李

李木之多子者故从子亦南方之果也火者木之子故

名若古文則木傍子為籽其華與桃尤繁密故詩云何彼穠矣華如桃李蓋有女同車之詩比之舜華舜英舜並蒂之華彼以諸侯娶諸侯之女故華色相稱也何彼穠矣之詩比唐棣之華以言其反而後合若下降然故此於桃李之華則車服不同而皆華盛也春秋運斗樞曰玉衡星散為李爾雅有三種座接慮李即今之麥李與麥同熟者為果肉厚而乾與核相離駁赤李則李之赤而有水者休無實李李實繁則有竊食之嫌雖欲整

冠其下且不可猶漢廣之喬木不可休息無實則其下
可休矣行人謂之行李亦或取於此潘岳賦曰房陵朱
仲之李山海經邊春之山多李古者司商協名姓商五
聲之清者司商掌賜族受姓之官人始生吹律合之定
其姓名至老子生於李下乃指以為姓不假吹律漢京
房本姓李乃吹律改姓京氏不可曉今人論五姓但以
張為商李為徵古法不復見矣管子謂黃帝使后土為
李冬者李也

注李獄官也

越絕書言勾踐諸侯從之若果中

之李

櫻桃

櫻桃朱實甘美飛鳥所含故又名含桃爾雅謂之荊桃其華在梅後至果熟則最先故仲夏之月以雛嘗黍羞以含桃先薦寢廟漢惠帝時叔孫通亦以為禮春有嘗果願陛下出因取櫻桃獻宗廟諸果獻由此興矣或云此果雖禽鳥所嗜然人未采鳥終不敢先食蜀都賦曰朱櫻春熟廣志櫻桃有長八分者有白色多肌者凡三種今

櫻桃有大而色紫亦有如蠟色者潘岳賦三桃表櫻胡之別

棗

棗者束木棗束相重棘束相連東方朔以為從來來者蓋戲辭也大而銳上曰壺細腰曰邊白熟曰檠樹小實酢曰檠實小而員紫黑色曰遵大如雞卵曰洗苦味曰蹶泄不著子曰哲味短味曰還味棗有十一名郭氏得九焉後世有紫棗玄棗西王母棗東海蒸棗洛陽夏白

與夫雞心牛頭羊角獼猴細腰其名不可勝載古者八月剥棗大戴禮曰剥者取也其修治則曰新之曰燹之以為饋食之邊又以為婦贄其事父母舅姑者棗栗飴蜜以甘之凶歲亦仰焉秦饑應侯請發五苑之果蔬橡棗栗以活民孔融為東萊賊所攻城欲破其治中左承祖以官棗賦與戰士故古者百穀以為梁者黍稷之揔名稻者溉種之揔名菽者衆豆之揔名三穀各二十種為六十蔬果之屬助穀各二十凡為百穀其實晉人尤

好食棗蓋安邑千株棗比千戶侯其人寘之懷袖食無
時久之齒皆黃故養生論云齒居晉而黃謂棗故也魏
文帝詔羣臣曰南方龍眼荔枝寧比西國蒲陶石蜜乎
酢且不如中國凡棗味莫若安邑御棗也盧諶祭法春
祠用棗油

蘇秦說燕文侯曰北有棗栗之利民雖不由
田作棗栗之實足食於民矣潘岳賦曰周文

弱枝
之棗

栗

栗其實下垂故从囟囟者艸木實垂囟囟然蓋象形也

古文稟从西從二鹵徐巡說木至西方戰稟言木則凡木皆然而稟至罅發之時將墜不墜尤有戰稟之象故天子五社西社植稟而宰我對稟社之義亦以為使民戰稟也大戴禮夏小正曰八月粟零零也者降也零而後取之故不言剥也又稟之生極謹密三顆為房其房為蜩毛其中顆褊者號為粟楔尤益人大率粟味鹹性溫而宜於腎有患足弱者曰粟木下多食之至能起行其質縝密故稱玉質縝密以粟玉色黃者倬蒸粟也古

者治果實之名栗曰撰之天官籩人以為饋食之豆又
以為加邊之實士喪禮設豆右菹南栗東脯而女子用
栗為贄以告虔喪事虞祭則用桑木為主既練則用栗
主以易之秦風阪有漆隰有栗燕秦千樹栗是其出處
也秦饑應侯請發五苑之果蔬橡棗栗以活民昭王不
許范子計然曰栗出三輔毛詩義疏曰五方皆有栗周
秦吳揚特饒唯漁陽范陽栗甜美長味倭韓國栗大如
雞子亦短味不美桂陽有栗叢生大如杼木詩又云山

有嘉卉侯栗侯梅侯助辭也西京雜記稱漢上林苑中有侯栗又有侯梅此吳均之語不可取信

櫨

櫨似梨而色黃其味酢澁今人謂之榎櫨一曰蠻櫨後鄭注禮記云櫨是梨之不臧者以其似梨而酢澁即是不臧而陶隱居以為鄭公不識櫨意其不能別二物也昔人說蒂間別有重蒂如乳者為木瓜無此者為榎櫨然二物自別亦不必如此別也古者以為人君燕食所

加庶羞禮記曰櫨梨曰攢之蓋攢去其心而食之也齊武帝幸丹陽郡晏飲王敬則執榼櫨以刀子削之是去其皮也莊子曰夫祖梨橘柚果蓏之屬實熟則剝則辱大枝折小枝泄以其能苦其生者也今祖樹乃復易壤宛陵人植木瓜者亦就此木上接之得祖之餘氣則澁而不美呂氏春秋曰箕山之東有甘櫨山海經曰平丘有甘櫨則是又有甘者矣又有香祖子小於榼梧而相似北土無之中都則有唯可生食甚香熟則蘇而不澁

蓋別是一類述異記曰江淮南人至北見楹梲香以為
祖子謂此也乎管子曰五沃之土生楂

梨

梨果之適口者剖裂以食故古人言剖裂為剖梨又曰
楂梨曰攢之蓋楂梨喜為蜂所螫螫處輒不可食故鑽
去之今人皆就木上大作油囊裹之梨滋長其中故益
大而無傷辛氏三秦記曰漢武帝園一名樊川一名御
宿有大梨如五升瓶落地則破其主取以布囊盛之名曰

舍消又廣志曰真定御梨脆如菱蜀都賦曰紫梨津潤
是其類也梨之色多黑故稱薰黑者皆从梨言有凍梨
之色也每梨有十餘子唯一子生梨餘皆生杜

潘岳賦曰
張公大谷

之梨秣陵有袁
仲家梨甚美

橘

橘生於江南素華丹實皮既馨香又有善味尤生於洞
庭之包山過江北則無故曰江南種橘江北為枳考工
記云踰淮而北為枳則有異同故橘頌云后皇嘉樹橘

徠服兮受命不遷生南國兮屈原比之夷齊願置以為
像取其貞介似有志也禹貢揚州厥包橘柚錫貢言錫
而貢之地理志曰蜀郡嚴道巴郡朐忍魚復二縣出橘
有橘官又曹叔異物志交趾橘官長一人秩三百石主
歲貢御橘越人歲多橘稅謂之橙橘戶吳闕澤表請除
臣之橘籍是也春秋運斗樞曰璇星散為橘弓人以橘
為幹又有甘橘其形似橘而圓大皮色生青熟則黃赤
未經霜時尤酸霜後甚甜故名甘子生嶺南及江南上

林賦曰黃甘橙楸郭璞曰黃甘橘屬而味精崔豹古今注曰甘實形如石榴者謂之壺甘其名別於此唐天寶十載宮甘結實與江劍無殊今洞庭之包山歲貢謂之洞庭甘李衡臨終勅其子曰龍陽洲裏有千頭木奴及甘橘成歲得絹數千匹即江陵千樹橘比千戶侯之義也本草橘柚條云酸者聚痰甜者潤肺

楸小橘也
出武陵

柚

柚似橘而大其味尤酸孔安國云小曰橘大曰柚郭璞

則曰柚似橙而大於橘禹貢揚州厥包橘柚錫貢橘柚
皆不耐寒故包裹而致之也錫貢者須錫命而獻之言
不常來也列子曰吳楚之國有大木焉其名爲櫟碧木
而冬生實丹而味酸食其皮汁已憤厥之疾齊州珍之
渡淮而北化爲枳焉則是其類子虛賦橘柚芬芳蜀都
賦家有鹽井之泉戶有橘柚之園廣志曰成都有柚大
如斗呂氏春秋果之美者江浦之橘雲夢之柚

橙

橙之芳用在皮甘之甘在瓢其木似橘其葉中細如蜂腰其實稍早橙之黃時橘方尚綠其形圓大於橘而香皮厚而皺乃正黃色不若甘橘之帶赤也本草云其皮

苦辛作酢醬香美蓋獨宜為和故張景陽七命云燁以

秋橙醑以春梅

韓文公詩鵲聲攢瓊橙南都賦曰穠橙鄧橘說文橙橘屬庾闡揚都賦曰黃甘

朱橙顏師古注相如賦曰橙即柚也誤矣

柿

柿於經乃復罕見唯內則所加庶羞三十一物中有之

實黃而大味甚甘亦暴而食之說文亦實果也又有紅
柿皮深紅而多水又有稗似柿而青黑生江淮南所謂
梁侯烏稗之柿是也利以作漆漆與蟹性反故不宜與
蟹同食其葉厚經霜乃丹色上林賦枇杷檮柿齊民要
術云柿有小者栽之無者取枝於輦棗根上插之俗謂
柿有七絕一壽二多陰三無鳥巢四無蟲蠹五霜葉可
翫六嘉實七落葉肥大又木中根固者唯柿為最俗謂

之柿盤

急就篇曰梨柿柰桃待露霜南都賦曰櫻梅山柿鄭虔以柿葉學書

櫟

櫟今之榿棗也結實似柿而極小其蒂四出枝葉皮核皆似柿秋晚而紅乾之則紫黑如葡萄其大小亦然今人謂之丁香柿又謂之牛乳柿子虛賦所謂櫟棗栗者也上林賦櫟棗楊梅南都賦櫟棗若留蜀都賦橙柿櫟櫟說文曰櫟棗也似柿而小崔豹古今注亦曰榿棗葉如柿實似柿而小味亦甘美釋木云遵羊棗郭氏曰實小而員紫黑色今俗呼之為羊矢棗引孟子曰魯皙

嗜羊棗按曾皙嗜羊棗而曾子不忍食羊棗若文王昌
歎屈到嗜芟之類則宜為果屬然公孫丑稱膾炙與羊
棗孰美又似是刳羊為飲食之名未知其審齊民要術
云楸棗宜陰地種之陽中則少實足霜色殷然後乃收
早收則澁不任食內則人君燕食所加庶羞有芝栢蒨
棋棗栗榛柿瓜桃李梅杏楂梨等庾蔚云無華葉而生
者曰芝栢盧氏云芝木芝也王肅云無華而實者名栢
皆芝屬賀氏則云芝木栢栢軟棗蓋鄭氏言三十一物

先儒以為合芝栢數之乃當三十一之數故皆不用賀氏之說然栢既甘果亦安可廢

栢

栢似黏而異杉以材稱栢又有美實而材尤文彩釋木云栢黏蓋以類相附也其樹大連抱高數仞葉似黏其木如栢作松理而絕難長肌理細軟堪為器用古所謂文木栢堅緻有文彩而色黃銀杏色瑩白而太輕易損成跡唯栢既有文彩又勁於銀杏實良木也其木自有

牝牡牡者華而牝者自實理有相感不可致詰其實有皮殼大小如棗而短去皮殼可生食亦僂而收之可以經久以小而心實者為佳本草木部有榧實又有彼子皆出永昌而誤在蟲部蓋彼字當從木即是榧也陶弘景注榧實出東陽諸郡而不識彼子惟蘇恭能辨其為一物今彼子退入有名無用中矣

音釋

梅

蓌

音老

裛

音泥又於怯反

桃

縹

數沼切青黃色

裛

古堯切

芡

音列崔茗

臨

力鳩切

梧

步項切

劓

力支切

解

也

割也

李

座

祖和切

駁

爾雅

刺

注李之無實多林李之子赤者名敷

棗

束

讀若刺

齊

子芳切

檣

二音

洗

屑典切

泄

音肩

還

味

上音旋

短味也

堯

帝音

栗

楔

音倭

鳥禾切

櫨

側加切

榱

亡零切

攢

之內則注

攢再官切

本又作鑽

爾雅

鑽子管切

注恐有蟲故

一一鑽看

其蟲孔

榼

於勃切

桴

蒲骨切

黎

螫

音失

蟲行毒

橘

胸

臆上

音

蠹下如尹

闕

姓也

苦

且豆切

柚

與柚同

櫟

與櫟同

橙

音

歎

音

燁

音關

注

穰

漢書南陽有

酤

文選注

酤與

同

也

音

栳

音

薄

難

然

音煙

輓

音

棹

如充切

棹

音亭

張

楫

歎

祖感

切

殷

烏閑切

赤黑色

櫛

而音

被

彼音

黏

衫音

僂

皮逼也

與

燭

字同

火乾

爾雅翼卷十

欽定四庫全書

爾雅翼卷十一

宋 羅願 撰

釋木

楸

椒

檉

欖

槐

枏

楚

楓

樞

移

楸

楸木瓜實如小瓜而酢衛詩有木瓜之篇毛氏以為衛人思齊桓公之德欲厚報之而孔子謂吾於木瓜見苞苴之禮行焉蓋以果實問遺人者必苴裹之則厥包橘柚之屬是也陶隱居云山陰蘭亭尤多今處處有之而宣城者佳彼州種蒔尤謹徧滿山谷始實成則鏤絳作花傳其上重霧之夜露諸沙上旦暴之日則紙所不覆處皆紅文采如生以充上貢古以為苞苴亦以此歟魚復縣地多木瓜大者如甌又其木可以為材故取幹之

道木瓜次之今人取木瓜大枝作杖策之云利筋膝根
葉煮湯淋足脛可以已蹙又截其木乾之作桶以濯足
齊孝昭北伐庫莫奚至天池以木瓜灰毒魚又別木瓜
者云木瓜與和圓子蔓木土伏子相似其皮薄微赤黃
香甘酸不澁韞中子尖一面方者為真木瓜

椒

椒實多而香故唐詩以椒聊喻曲沃之蕃衍盛大聊語
助也陳詩貽我握椒周頌有椒其馨離騷云雜申椒與

茵桂懷椒糝而要之九歌云奠桂酒兮椒漿播芳椒兮
成堂漢世皇后稱椒房取其實蔓延盈升以椒塗屋亦
取其溫暖故長樂宮有椒房殿其後董賢女弟為昭儀
居舍與后相擬號曰椒風及晉世石崇王愷之徒相矜
以富於是崇以椒為泥泥其屋而愷以赤石脂泥其壁
云荆楚之俗正月一日長幼悉正衣冠以次拜賀進椒
酒崔寔月令云過臘一日謂之小歲拜賀君親進椒酒
從小起成公綏椒花銘云肇惟歲首月正元日是知小

歲則用之漢朝元正則行之後世率以正月一日以盤
進椒飲酒則撮寘酒中號椒盤焉然椒亦能殺人故漢
李咸欲爭竇后配桓帝擣椒自隨而齊建武中欲併誅
高武子孫令太醫煮椒二斛椒熟則一時賜死此其事
春秋運斗樞曰玉衡星散為椒山海經曰琴鼓之山其
木多椒孝經援神契曰椒薑禦濕菖蒲益聰蜀都賦丹
椒爾雅以櫨為大椒謂叢生實大者又曰椒櫨醜萊萊
莢子聚生成房貌今江東亦呼萊云樹有針刺葉堅而

滑澤每葉中亦有刺蜀人作茶吳人作茗皆煮其葉以
為香又東海諸島上有椒子長而不圓其味如橘皮島
上麋鹿食此葉者其肉自然作椒橘香

范子計然曰蜀
椒出武都赤色

者善秦椒出天
水隴西細者善

檄

檄一名藪今之茱萸也其味苦辛置之食中能去臭南
都賦所謂蘇檄紫薑拂徹羶腥者也古者膾春用葱秋
用芥脍春用韭秋用蓼脂用葱膏用蘆三牲用藪和用

醢獸用梅蓋皆薰辛之物所用各有宜爾漢律會稽獻
藟一斗賀氏云今蜀郡作之九月九日取茱萸折其枝
連其實廣長四五寸一升實可和十升膏然鄭氏及說
文皆以煎茱萸為藟蓋藟必煎乃用爾今蜀人猶呼其
實為艾子蓋藟之訛也風土記曰俗尚九月九日謂為
上九茱萸至此日氣烈熟色赤可折其房以挿頭云辟
惡氣禦冬西京雜記云漢武帝宮人九月九日佩茱萸
食蓬餌飲菊花酒云令人長壽至宗懔記荆楚歲時云

漢費長房教桓景令家人各作絳囊九月九日盛茱萸
繫臂上登山飲菊酒消厄蓋至今用是日以椒雜菊花
實酒中飲古之遺俗也尤妙於辟毒破氣故云嶺南多
毒足解毒之物即金蛇白藥之屬是也江湖多氣足破
氣之物薑橘吳茱萸之類是也乃天生萬物以與人亦
人窮急以致物楚辭稱椒專佞以慢慝兮椒又欲充夫
佩幃椒以比上官之屬椒其黨也曹植樂府歌曰茱萸
自用芳不如桂與蘭而郭璞射覆云子如赤鈴含玄珠

乃是椒耳

欖

風土記曰三香椒欖薑欖出閩中江東其木似椿莖間有刺子辛辣如椒南人淹藏以為果品或以寄遠吳越春秋曰越以甘蜜丸欖執吳增封之禮則欖之相贈尚矣宋義熙八年太杜欖木生於壇側欖尚黑也宋水德忽生此一木

槐

槐者虛星之精其葉尤可翫古者朝位樹之私家之朝皆植焉晉鉅鹿觸趙宣子庭之槐董叔紡於范氏庭之槐又齊景公有所愛槐使人守之皆植於庭之驗也釋木曰櫟槐大葉而黑守宮槐葉晝聶宵炕郭璞以為晝日聶合而夜炕布者名為守宮槐按說文聶木葉搖白从木聶聲則聶乃開之義又炕乾也木葉近火而乾則當相合然則郭氏之說正反之耳今江東有槐晝開夜合者謂之合昏槐蓋啟閉以時有守之義說者以為此

槐與雅說相反不知郭氏誤解之也槐花可以染黃其

子上房可以染皂其根可作神燭淮南子曰老槐生火

久血為磷人不怪

考

莊子曰水中有火乃焚大槐老槐

當夏間其上忽自起火焚燒枝葉所謂極陰生陽者也

古者冬取槐檀之火槐檀色黑北方之行也

淮南子槐之生也季

春五日而兔目十日而鼠耳更旬而始規二旬而葉成管子五粟五沃之土其槐其楊

枏

枏大木也可以為舟又可以為棺故古稱榱枏豫章以

為良木之類任昉述異記曰黃金山有柎木一年東邊
榮西邊枯一年西邊榮東邊枯張華云交讓木宋子京
云讓木即柎也其木直上柯葉不相妨蜀人號讓木南
史陸慧曉傳亦云此木便是交讓

顏師古曰
柎今楠木

楚

楚者楚地所出其一名荆故楚國人春秋稱荆其後稱
楚而荊州亦以此木得名也今人壯荊作樹生者實細
黃色而莖甚勁生子細如麻子比蔓荊實而小故稱小

荆又牡亦對蔓為名非無實之謂也禮弓矢圖楚殫以
荆為之必以荆者凡木心圓荆心方著之德圓而神卦
之德方以知以其德方故以方木灼龜也漢書郊祀志
以牡荆為幡竿又古者收威用榎與楚亦榎形圓楚形
方互相備也廣州記曰白荆堪為履紫荆堪為牀牡荆
節間不相當者月暈時刻之為券以畏病者春秋運斗
樞曰玉衡星散為荆

戰國策董子治晉陽公宮之垣以
荻蒿苦楚屬之其高至丈餘趙襄

子以
為矢

楓

楓似白楊甚高大厚葉弱枝而善搖葉圓而歧霜後丹
色可愛字从風又釋木楓櫨櫨說者曰天風則鳴故曰
櫨櫨或云無風自動有風則止按說文木葉搖白謂之
櫨則櫨與風同義矣招魂云湛湛江水兮上有楓目極
千里兮傷春心至漢宮殿中多植之魏景福殿賦猶稱
槐楓被宸考漢故事也有寄生枝高三四尺生毛一名
楓子天旱以泥泥之即雨或云樹老有癭瘤忽遇暴雷

驟雨廕上聳出一枝一夜暗出三五尺形如人鬼口眼
備南中謂之楓人亦謂之靈楓越人以計取為神事之
舊說云黃帝殺蚩尤於黎山之上擲其械於大荒之中
朱山之上化為楓木之林此猶夸父之杖棄為鄧林也
其子可以為式式局以楓木為天棗心為地其脂甚香
謂之楓香脂一名白膠香入地千歲則為琥珀楓上有
菌食之令人善笑不止

樞

詩山有樞隰有榆樞莖蓋榆之類今之刺榆也爾雅疏
榆之類有十種葉皆相似皮及木理異爾而刺榆有針
刺如柘其葉如榆濇為蔬美滑於白榆內則曰莖莖粉
榆免蕘滑濇以滑之蓋榆之類皆滑免讀若問孫愐唐
類菟新生草則蕘乃是久者以上四物新舊之名皆滑
利之名也嵇康謂榆令人瞑齊民要術稱挾榆刺榆凡
榆三種色別種之勿令雜以為挾榆莢葉味苦凡榆莢
味甘甘者春時將煮賣是以須別也廣志曰有姑榆有

郎榆郎榆無莢管子曰五粟五沃之土其榆條直以長
按陳藏器云江南有刺榆無大榆蓋大榆北方有之秦
漢故塞其地皆榆塞榆北方之木也淮南子曰槐榆與
橘柚合而為兄弟有苗與三危通而為一家言槐榆北
方橘柚南方也是以江南無榆但有樞耳若晉風則山
隰兼有之然而有材不能用則不如其亡也
汜勝之書曰三月榆莢雨時高地強土可種木漢鑄莢錢如榆莢也又豐有粉榆社崔寔四民月令曰榆莢成者收乾以為旨蓄色變白將落收為醬河平元年旱傷麥民食榆皮萬畢術曰八月榆櫨令人不饑

移

唐棣移郭璞曰似白楊江東呼夫移逸詩曰唐棣之華
偏其反而豈不爾思室是遠而孔子取而論之移生江
南山谷其大十數圍無風葉動華反而後合所謂偏其
反而者也夫人之情反而欲其合豈欲其常相遠哉是
詩也其旨與角弓之詩同角弓之詩曰駢駢角弓翩其
反矣兄弟婚姻無胥遠矣夫角弓有時而反也然反者
所以為適唐棣有時而反也然反者所以為合然則兄

弟昏姻與此室之遠豈遠也哉亦猶二物之暫反而終
合耳故孔子曰未之思也夫何遠之有又何彼穠矣之
詩亦言唐棣之華此詩以王姬車服不繫其夫築館于
外亦有反而後合之道至於執婦道以成肅雖則若桃
李之相輝蔽不終反而已也崔豹古今注曰移楊圓葉
弱蒂微風大搖一名高飛一名獨搖又曰移楊一曰移
柳亦曰蒲移而齊民要術以高飛獨搖為白楊之別名
又本草白楊注云取葉圓大蒂小無風自動者故說者

云葉無風自動此是移楊非白楊也蓋白楊多悲風又
與此相類故相雜耳移皮焚為灰置酒中令味正經時
不敗而枳椇木以為屋屋中酒則味薄物之相反有如
此者

音釋

枳

音茂

酢

同與醋

鐵

切作木

甌

音武甌

釐

音蹶

椒

菌

反渠隕

精

音所

要

之

反於遙

檄

切欣詭

策

音求

檄

音殺

藪

則魚氣反

內

藪

注煎

藪

同與藪

費

音音

悒

反吐刀

幃

音暉

櫨

多朗

丸

櫨按

吳

越春秋越使大夫種索葛布十萬甘蜜九党文筭七枚
孤皮五雙晉竹十度以復封禮而此書無九黨二字詳
下文文筭之類皆以數計則甘蜜當作九党豈九
党訛為九黨即玉篇黨丁盜切盆也党字疑誤

槐

紡

音勢晉語范獻子執董
叔紡於庭之槐注縣也

聶

輒音

炕

口浪

攝

時葉

燐

各音

鬼火 水中有火

莊子音義謂電也焚槐
謂霹靂時燒大樹也

桷

奴舍

燂

昆他

切灼 龜炬

榎

賈音

楓

攝

音輒

爾

瘿

於郢

瘤

力周

瘰

音

樞

歐音

莖

大結

莖

音謹

莖

桓音

免

音問

薨

苦老

涪

思酒

瀧

音

粉

音

粉

音

粉

皮色白 名粉

桼

上古

注

濡

而充

反

移

音

移

爾雅翼卷十一